



## **Memorandum i mirëkuptimit mbi trajnimet e detyrueshme dhe trajnimeve shtesë për prokurorë**

**ndërmjet**

**Akademisë së Drejtësisë**

**dhe**

**Këshillit Prokurorial të Kosovës**

Ky memorandum mirëkuptimi (në tekstin e mëtutjeshëm *Memorandumi*) është lidhur më (22 nëntor 2021) nga Akademia e Drejtësisë dhe Këshilli Prokurorial i Kosovës (në tekstin e mëtutjeshëm “*palët*”).

### **1. Qëllimi dhe fushëveprimi**

- 1) Qëllimi i këtij Memorandumi është që të përcaktojë kushtet, fushëveprimin e punës dhe përgjegjësitë e palëve lidhur me trajnimin e detyrueshëm dhe shtesë për prokurorët.
- 2) Fushëveprimi i këtij Memorandumi përfshin trajnimin për prokurorët të cilët vlerësohen me performancë “pamjaftueshëm” dhe për këtë arsyre rekomandohen për trajnim të detyrueshëm dhe trajnim shtesë.

### **2. Historiku**

Palët dakordohen se ky Memorandum është i nevojshëm për të adresuar performancën e pamjaftueshme të prokurorëve të dokumentuar me vlerësimin e performancës. Qëllimi i palëve është që të sigurojnë sistem prokurorial profesional.

### **3. Përgjegjësitë**

- 1) Në kuadër të këtij Memorandumi, Këshilli Prokurorial i Kosovës (KPK) ndërmerr veprimet sa vijon:
  - a) Sekretariati i KPK-së siguron që vendimet e arsyetuara me shkrim të KPK-së i dorëzohen me kohë AD-së.
  - b) Vendimi i Këshillit përmban rekomandime specifike mbi temat/fushat që do të trajtohen nga AD gjatë trajnimit të detyrueshëm dhe trajnimit shtesë.
  - c) KPK siguron caktimin e prokurorëve me performancë të dëshmuar të dalluar si mentorë për prokurorët që janë duke vijuar trajnimet e detyrueshme dhe shtesë.
  - d) KPK-ja e rishikon certifikatën dhe raportin e AD-së mbi mjaftueshmërinë dhe ia përcjellë atë Komisionit për Vlerësimin e Performancës së Prokurorëve të KPK-së.
- 2) Në kuadër të këtij Memorandumi Akademia e Drejtësisë (AD) ndërmerr veprimet sa vijon:
  - a) AD-ja administron trajnimet sipas udhëzimeve nga vendimi i KPK-së.
  - b) AD-ja sigurohet që të ketë burime në dispozicion për zbatimin e kërkesës së KPK-së për trajnim të detyrueshëm dhe shtesë.
  - c) AD-ja sigurohet që të bëhet vlerësimi përfundimtar i vijuesit të trajnimit dhë certifikata përkatëse t'i paraqitet Komisionit.
  - d) AD-ja siguron që trajnerët e caktuar për trajnimin e detyrueshëm dhe shtesë kanë performancë të dëshmuar të suksesshme. AD-ja i zëvendëson trajnerët sa herë që ka raste të dokumentuara mbi performancën e dobët ose etikën e dobët të punës.
  - e) ADK-ja i raporton KPK-së për çdo çështje që lidhet me trajnerët dhe mentorët e që kërkon veprim të Këshillit.

### **4. Afatet dhe kushtet**

Është kuptuar dhe dakorduar reciprokisht nga dhe mes palëve që:

- a) Secila palë merr përgjegjësinë për të përbushur detyrat dhe obligimet që burojnë nga ky Memorandum.
- b) Akademia e Drejtësisë dhe Këshilli Prokurorial i Kosovës do të dakordohen mbi aspektet procedurale të protokolleve të bashkangjitura.
- c) Ky Memorandum mund të ndryshohet me marrëveshje reciproke të palëve përmes ndryshimit dhe plotësimit me shkrim të nënshkruar nga të dyja palët.
- d) Ky Memorandum shkëputet nëse në të ardhmen kjo çështje rregullohet nga legjislacioni përkatës në fuqi.

## **5. Protokollet e përbashkëta**

Protokollet e përbashkëta të KPK-së dhe AD-së janë pjesë përbërëse e këtij Memorandumi. Protokollet mund të rishikohen ashtu siç konsiderohet e nevojshme pa pasur nevojë të ndryshohet Memorandumi nëse ato ndryshime nuk kanë ndikim në vetë Memorandumin.

## **6. Data e hyrjes në fuqi dhe nënshkrimi**

Ky Memorandum hyn në fuqi pas nënshkrimit nga palët. Palët e shprehin dakordimin me këtë Memorandum përmes vendosjes së nënshkrimeve të tyre më poshtë.

  
**Këshilli Prokurorial i Kosovës**

**Jetish Maloku, Kryesues i KPK-së**

  
**Akademia e Drejtësisë**

**Enver Fejzullahu, Drejtor i AD**

**Data: 22 nëntor 2021**